



ქალაქ თბილისის მუნიციპალიტეტის
საკრებულოს მაჟორიტარი წევრის
ქეთევან ჯოხაძის
2020 წლის ანგარიში

საქართველოს ორგანული კანონის „ადგილობრივი თვითმმართველობის კოდექსის“ 88-ე მუხლის პირველი პუნქტის თანახმად წარმოგიდგინთ ანგარიშს გაწეული საქმიანობის შესახებ:

2017 წლიდან გახლავართ ქალაქ თბილისის მუნიციპალიტეტის საკრებულოს VI მოწვევის მაჟორიტარული წესით არჩეული წევრი (გლდანის რაიონი - მუხიანი) , ფრაქცია „ქართული ოცნება-კონსერვატორების“ თავმჯდომარის მოადგილე, ასევე განათლებისა და კულტურის, ეკონომიკური განვითარების საინვესტიციო პოლიტიკისა და საერთაშორისო ურთიერთობების კომისიების წევრი.

საკრებულოს სხდომებში, კომისიებსა და ფრაქციების მუშაობაში მონაწილეობის შესახებ ინფორმაცია:

ქალაქ თბილისის მუნიციპალიტეტის საკრებულოს რეგლამენტის შესაბამისად საანგარიშო პერიოდის განმავლობაში გაიმართა საკრებულოსა და ბიუროს 18 სხდომა, მიღებულ იქნა 387 განკარგულება და 134 დადგენილება. საკრებულოს სხდომებზე აქტიურად გახლდით ჩართული დედაქალაქისა და მისი მოსახლეობისათვის მნიშვნელოვანი საკითხების განხილვაში.

ფრაქცია „ქართული ოცნება - კონსერვატორები“

2017 წლის ნოემბრიდან გახლავართ ფრაქციის „ქართული ოცნება - კონსერვატორები“ თავმჯდომარის მოადგილე, ფრაქციის წევრები იკრიბებიან მინიმუმ თვეში ერთხელ, სხდომაზე განიხილება დედაქალაქში მიმდინარე მნიშვნელოვანი საკითხები და ჯერდება პოზიციები. ფრაქცია „ქართული ოცნება - კონსერვატორები“ - ს მიერ საანგარიშო პერიოდში ჩატარდა 11 სხდომა, განხილულ იქნა 18 საკითხი.

ფრაქციის სხდომებზე განვიხილეთ დედაქალაქისთვის მნიშვნელოვანი და პრიორიტეტული საკითხები:

- ❖ ქალაქ თბილისის მუნიციპალიტეტის სატრანსპორტო პოლიტიკა და ამ მიმართულებით არსებული გამოწვევები;
- ❖ პანდემიის გამო შექმნილი ვითარება;
- ❖ თბილისის მუნიციპალიტეტის მერიასა და კომპანია „ სითი პარკს“ შორის სამართლებრივი დავა;
- ❖ ახალი სასწრაფო მანქანების შემოყვანა;
- ❖ ინფრასტრუქტურული სამუშაოები.

კომისიური მუშაობა:

განათლებისა და კულტურის კომისია

2019 წლის ნოემბრიდან 2020 წლის 12 ოქტომბრის ჩათვლით გაიმართა განათლებისა და კულტურის კომისიის 11 სხდომა, რომელზეც დეპუტატებმა განიხილეს დღის წესრიგით გათვალისწინებული 17 საკითხი.

კომისიამ წლის დასაწყისში იმსჯელა დედაქალაქის ბიუჯეტის პროექტზე და იმ პრიორიტეტულ საკითხებზე, რომლებიც განათლებისა და კულტურის მიმართულებით იქნა ასახული 2020 წლის ბიუჯეტში.

კომისიის წევრებმა დადებითი რეკომენდაცია მისცეს თბილისის 62-ე საჯარო სკოლისთვის - ჟიული შარტავას, ხოლო 94-ე საჯარო სკოლისთვის ჯამბულ წურწუმის სახელის მინიჭების საკითხს.

საანგარიშო პერიოდის განმავლობაში ასევე გაიმართა სამუშაო შეხვედრა, რომლის მიზანი ცენტრალურ და მუნიციპალურ ხელისუფლებათა იმ ძალისხმევის კონსოლიდირება იყო, რომელიც პროფესიული განათლებისა და დასაქმების ხელშეწყობის კუთხით ხორციელდება. შეხვედრაში მონაწილეობას იღებდნენ საქართველოს განათლების, მეცნიერების, კულტურისა და სპორტის მინისტრის მოადგილე თამარ ქიტიაშვილი და თბილისის მერიის კულტურის, განათლების, სპორტის და ახალგაზრდულ საქმეთა საქალაქო სამსახურის უფროსი ირაკლი ლაგვილავა.

განათლებისა და კულტურის კომისიის გადაწყვეტილებით გაფართოვდა ბენეფიციართა იმ კატეგორიების ჩამონათვალი, რომლებიც თბილისის საჯარო ბაგა-ბაღებში უპირატესი რეგისტრაციის წესით სარგებლობენ. წესის მიღებისთანავე რეგისტრაციის პირველი ეტაპი გაიხსნა ისეთი კატეგორიის ბენეფიციარებისათვის როგორებიც არიან: სოციალურად დაუცველი ოჯახის შვილები, სპეციალური საგანმანათლებლო საჭიროების მქონე ბავშვები, ჩვილ ბავშვთა სახლის ბენეფიციარები, თბილისის საჯარო ბაგა-ბაღების აღსაზრდელთა დედ-მამიშვილიები. ცვლილების თანახმად ამ ჩამონათვალს დაემატა მრავალშვილიანი ოჯახები და განსაზღვრული კატეგორიის სამხედრო მოსამსახურეთა შვილები.

კომისიამ ასევე განიხილა 2020 წლის ბიუჯეტში შესატანი ცვლილებები, რომლებიც ახმეტელის, პანტომიმის, სამეფო უბნის და „გლობუსის“ თეატრების, თბილისის „ბიგ-ბენდისა“ და თბილისის თანამედროვე ბალეტის თანამშრომლებს შეეხებოდა.

**ეკონომიკური განვითარების, საინვესტიციო პოლიტიკის და საერთაშორისო
ურთიერთობების კომისია**

საანგარიშო პერიოდის განმავლობაში საკრებულოს ეკონომიკური განვითარების, საინვესტიციო პოლიტიკის და საერთაშორისო ურთიერთობების კომისიის მიერ გაიმართა 16 სხდომა, განხილულ იქნა 16 საკითხი.

კომისიამ წლის დასაწყისში მერიის ეკონომიკური განვითარების საქალაქო სამსახურის მიერ 2019 წელს გაწეული საქმიანობის ანგარიში მოისმინა. ასევე იმსჯელა 2020 წელს დაგეგმილი ღონისძიებების თაობაზე. ყურადღება იქნა გამახვილებული თბილისის განვითარების კვლევების, სტრატეგიებისა და პროექტების პროგრამების ფარგლებში დაგეგმილ ღონისძიებებზე, კერძოდ საუბარია ადგილობრივი ეკონომიკური განვითარების მე-12-ე საერთაშორისო დონის ფორუმზე.

კომისიამ ასევე იმსჯელა დედაქალაქში სამეწარმეო საქმიანობის განვითარების ხელშემწყობ ღონისძიებებზე, რომლებიც უმთავრესად ტურიზმის სფეროს ამოქმედებას ისახავდა მიზნად.

ტრენინგები, სემინარები, მივლინებები:

საანგარიშო პერიოდში 1-5 მარტის ჩათვლით ვესტერნის დემოკრატიული ფონდის WFD მოწვევით მივლინებით ვიმყოფებოდი დიდ ბრიტანეთში, კერძოდ ბელფასტსა და ლონდონში. ვიზიტის ფარგლებში შეხვედრა შედგა DUP პარლამენტში, პარლამენტის ჯგუფთან, სოციალური მედიის წარმომადგენლებთან, შეხვედრებზე განხილულ იქნა ისეთი საკითხები როგორცაა წინასაარჩევნო კამპანია, თუ როგორ უნდა მოხდეს ამომრჩეველთან კომუნიკაცია. მედიის როლი არჩევნებში, კომუნიკაციის სხვადასხვა ხერხები და სამომავლო გეგმები ადგილობრივი თვითმართვლობის კუთხით.

ამომრჩეველთა მიღების, მათი წერილების, წინადადებების და საჩივრების განხილვის შესახებ

ინფორმაცია

თბილისის მუნიციპალიტეტის საკრებულოს რეგლამენტის დამტკიცების შესახებ 2017 წლის 5 დეკემბრის № 5-4 დადგენილების 151-ე მუხლის შესაბამისად, საკრებულოს მაჟორიტარი წევრის საარჩევნო ოლქის ტერიტორიაზე ქალაქ თბილისის მუნიციპალიტეტის საკრებულოს მიერ მაჟორიტარი წევრის უფლებამოსილების ვადით შეიქმნა წარმომადგენლობა.

წარმომადგენლობის მიზანია მოსახლეობისათვის საკრებულოს მაჟორიტარ წევრთან შესაბამის საარჩევნო ოლქში კომუნიკაციის ხელმისაწვდომი პლატფორმის არსებობა.

წარმომადგენლობა შეისწავლის ჩემს სახელზე შემოსულ წერილებსა და განცხადებებში დასმულ პრობლემატურ საკითხებს და ჩემი გადაწყვეტილების მიხედვით რეაგირებას ახდენს მათზე. საანგარიშო პერიოდში სულ შემოსულია 100-მდე განცხადება, რომლებიც რეაგირებისთვის გადაგზავნილია შესაბამის უწყებებში. შემოსული წერილების უმეტესი

ნაწილი დაკმაყოფილებულია ან დღევანდელი მდგომარეობით პასუხის მოლოდინის რეჟიმში იმყოფება.

ყოველი კვირის ოთხშაბათს პირადად ვხვდები მოქალაქეებს ვეცნობი მათ საჭიროებებს და კომპეტენციის ფარგლებში ვუწევ შესაბამის დახმარებას. მიმდინარე საანგარიშო პერიოდის განმავლობაში გაიმართა 18 მიღება და 500-ზე მეტ მოქალაქესთან შედგა შეხვედრა. განხორციელდა 200-მდე სატელეფონო საუბარი იმ საკითხებთან დაკავშირებით, რომლებიც მყისიერად საჭიროებდნენ რეაგირებას.

მოქალაქეები მოგვმართავენ სხვადასხვა პრობლემატური საკითხების მოგვარების თხოვნით, აქედან ძირითადად იკვეთება სოციალური უზრუნველყოფის, ჯანმრთელობის დაცვისა და ინფრასტრუქტურული მოწყობის მიმართულებით არსებული საჭიროებები. გარდა ამისა პრობლემატურ საკითხებზე მყისიერად რეაგირების მიზნით წარმომადგენლობის თანამშრომლები ადგილზე ხვდებიან მოსახლეობას, ახდენენ პრობლემის იდენტიფიცირებას, თანამშრომლობენ სხვადასხვა სამსახურებთან რათა დასახლებაში არსებული პრობლემები მაქსიმალურად ოპერატიულად და სწრაფ ვადებში იქნას აღმოფხვრილი.

მიმდინარე და და დასრულებული პროექტები: ადგილობრივი ბიუჯეტის დაგეგმარების პროცესში აქტიურად ვარ ჩართული, რათა ბიუჯეტში აისახოს ის პრიორიტეტული მიმართულებები და პროექტები რაც მნიშვნელოვანია მუხიანის მაცხოვრებელთათვის. მოსახლეობის მომართვის საფუძველზე, წარმომადგენლობის მიერ ადგილზე მიმდინარეობს მოკვლევა თითოეული ინფრასტრუქტურული პროექტისა და განსახორციელებელი სამუშაოების დაგეგმარების მიზნით. მუხიანში საანგარიშო პერიოდის განმავლობაში განხორციელდა შემდეგი ინფრასტრუქტურული პროექტები:

მუხიანის IV ა მ/რაიონის, 5-6-7 კორპუსების მიმდებარედ არსებულ სკვერს სრული რეაბილიტაცია ჩუტარდა, პროექტის ფარგლებში მოეწყო ბავშვთა გასართობი ზონები და მოსასვენებელი პავილიონი, ასევე დამონტაჟდა გარე განათებისა და სარწყავი სისტემები, განთავსდა სკვერისთვის საჭირო ინფრასტრუქტურა.

მუხიანის IV ბ მ/რაიონის, 34-ე კორპუსის მიმდებარედ ასევე განხორციელდა სკვერის აღდგენა-რეაბილიტაცია, მოეწყო სხვადასხვა სივრცე, მათ შორის ბავშვთა გასართობი ზონა, მოსასვენებელი პავილიონი, დამონტაჟდა გარე განათებისა და სარწყავი სისტემები. ტერიტორიაზე ჩატარდა გამწვანების სამუშაოები.

საანგარიშო პერიოდის განმავლობაში მოსახლეობის მომართვიანობიდან გამომდინარე მცირე ზომის სკვერები მოეწყო შემდეგ მისამართებზე:

მუხიანის I მ/რაიონი, კორპ. №: 17-ის მიმდებარედ;

მუხიანის II მ/რაიონი, კორპ. №22-ის მიმდებარედ;

სპორტული მოედანი:

მუხიანი IV ბ მ/რ; 29-ე კორპუსის მიმდებარედ;

მუხიანი IV ბ მ/რ; 33-ე კორპუსის მიმდებარედ;

მუხიანი IV ა მ/რ; კორპუსების 12-13 მიმდებარედ;

მუხიანი IV ბ მ/რ; 35ა კორპუსის მიმდებარედ;

მუხიანი IV ა მ/რ; კორპუსების 3-4 მიმდებარედ;

სავარჯიშო ფიტნეს ზონები მოეწყო შემდეგ მისამართებზე:

მუხიანის IV ბ მ/რ; 42-ე და 43-ე კორპუსებს შორის;

მუხიანი III მ/რ; კორპ. 5-6;

მუხიანი II მ/რ; კორპ. 10-14;

მუხიანი III მ/რ; კორპ. 10-14;

საგზაო ინფრასტრუქტურა მოწესრიგდა შემდეგ მისამართებზე:

ღვალაძის ქუჩის მონაკვეთის (გაბაშვილის ქუჩიდან ეკლესიამდე) ტროტუარი;

ვარდისუბნის ქუჩა;

ვარდისუბნის ქუჩა N 83 დან ხანძთის ქუჩამდე;

მუხიანის I მ/რ, კორპ.13, 14, 15-ის შორის;

მუხიანის I მ/რ, კორპ.13, IV სადარბაზოდან XI სადარბაზომდე სანიაღვრე ქსელის მიმდინარე;

მუხიანის IVბ მ/რ, კორ. 29ა და 35ა -ს შორის;

მუხიანი, გობრონიძისა და ავალიშვილის ქუჩების კვეთა;

ნონეშვილისა და ნოზაძის ქუჩების კვეთა;

მუხიანის IVბ მ/რ კორპ. #42 სად. #2-ის მიმდებარედ;

მუხიანის IVა მ/რ კორპ. #10-ის მიმდებარედ;

მუხიანის IVბ მ/რ ყოფ. სახლმმართველობის მიმდებარედ;

გობრონიძის ქუჩაზე, #135 სამარშუტო ტაქსების ბოლო გაჩერების მიმდებარედ;

მუხიანის I მ/რ, კორპ. №16-ის მიმდებარედ;

მუხიანის IVა მ/რ, კორ. №29ა და №31 -ს შორის;

მუხიანის I მ/რ, კორ. №16 -დან ნონეშვილის ქუჩამდე დამაკავშირებელი ბილიკი;

მუხიანი IV ბ მ/რ კორპ N29;

მუხიანი IV ა მ/რ კორპ N20 და კორპ N7 შორის;

მუხიანის IVა მ/რ, კორ. №5 და №7 -ს შორის;

მუხიანის IVბ, კორ. 34–ს მიმდებარედ;

მუხიანის IVა კორ. 12,

მუხიანი 2-ის ინფრასტრუქტურული კეთილმოწყობა - მუხიანი 2-ის დასახლებაში ინფრასტრუქტურული მოწყობის კუთხით არსებული მძიმე მდგომარეობა უკვე წლებია ადგილობრივი მოსახლეობისათვის მოუგვარებელ პრობლემად რჩება. ჩემი აქტიური ჩართულობით, ქალაქის მერიის შესაბამისი სამსახურებისა და გლდანის გამგეობის თანამშრომლობით აქტიურად მიმდინარეობს პროექტები მუხიანი 2-ის დასახლებაში . წელს დასრულდა პროექტი რომლის ბოლო ეტაპი გულისხმობდა ვარდისუბნის, საზანოსა და ჟვანიას ქუჩებზე საგზაო ინფრასტრუქტურის მოწყობას. წყალრინების გარე ქსელი მოეწყო გურიისა და გამარჯვების ქუჩაზე, აღნიშნული პრობლემა ადგილობრივ მოსახლეობას წლების განმავლობაში აწუხებდა.

ჯანდაცვა და სოციალური სფერო

სამედიცინო მომსახურეობის დაფინანსებისა და მედიკამენტებით უზრუნველყოფის მოთხოვნით არაერთმა მოქალაქემ მოგვმართა, აქედან უმრავლესობა დაკამყოფილდა სრულად, ნაწილი მოთხოვნილი თანხის 70%- ით. მაჟორიტარის შუამდგომლობით სამართლებრივი დახმარება გაეწია მრავალ სოციალურად დაუცველ მოქალაქეს, კერძოდ სტატუსის შეჩერების პროცედურულ საკითხთან დაკავშირებით. შემოსული წერილობითი და ზეპირი განცხადებების საფუძველზე მოხდა სოციალურად დაუცველი იმ მოქალაქეების პრობლემების გამოკვლევა და მოგვარება, რომელსაც შეუჩერეს სტატუსი ან ხელმეორედ გადამოწმების საფუძველზე მიანიჭეს მაღალი სარეიტინგო ქულა. ასევე ერთჯერადი მატერიალური დახმარებისა და ბინის ქირით უზრუნველყოფაზე, შუამდგომლობის თხოვნით არაერთმა სოციალურად დაუცველმა პირმა მოგვმართა განცხადებით, რომლებიც შემდგომი რეაგირებისთვის და შესაბამისი დახმარების აღმოსაჩენად გადაგზავნილ იქნა თბილისის მუნიციპალიტეტის გლდანის რაიონის გამგეობაში.

მუხიანის მაცხოვრებლთა სოციალურ პირობებს ადგილზე პირადად ვეცნობი, ამ მხრივ განსაკუთრებული ყურადღების სფეროა მრავალშვილიანი ოჯახების, სოციალურად დაუცველი, შშმ პირების მხარდაჭერა და მათი თანადგომა. კოვიდ 19-თან ბრძოლის პერიოდში აქტიურად ვიყავი ჩართული სოციალურად დაუცველი მრავალშვილიანი ოჯახების დახმარების კამპანიაში. მთელი პანდემიის განმავლობაში ადგილზე პირადად ვაწვდიდი ნობათებს მუხიანში მცხოვრებ სოციალურად დაუცველ, მრავალშვილიან ოჯახებს (ოთხი და

მეტი შვილი). დახმარების თხოვნით არაერთმა ოჯახმა მოგვმართა, აღნიშნულ კამპანიაში აქტიურად გახლდათ ჩართული კერძო სექტორი.

ხანგრძლივ სარგებლობაში არსებული ფართების საკუთრებაში გადაცემის საკითხი:

მუხიანში IV ბ მ/რაიონში კორპ. 32ა, ყოფილი სახლმართველობის შენობაში სოციალურად დაუცველი და იძულებით გადაადგილებული პირები 2008 წლიდან ცხოვრობენ და ითხოვენ ფაქტიურ მფლობელობაში არსებული ფართების საკუთრებაში დაკანონებას. მოქალაქეების მომართვის საფუძველზე აღნიშნულ ოჯახებს გაეწიათ შუამდგომლობა შესაბამის უწყებებთან. ჩემი აქტიური ჩართულობითა და მერიასთან ერთობლივი მუშაობით, წლების მანძილზე გადაუჭრელი საკითხი უკვე მოგვარებულია და აღნიშნულ მისამართზე არსებული უძრავი ქონების პირდაპირი განკარგვის ფორმით პრივატიზების საკითხი დადაბითად გადაწყდა აქ მცხოვრები ოჯახებისათვის.

განსახორციელებელი პროექტები:

მოგახსენებთ, რომ აქტიურად ვარ ჩართული დედაქალაქის 2021 წლის ბიუჯეტის დაგეგმარების პროცესში, რათა მომავალი წლის ბიუჯეტში აისახოს ის პრიორიტეტული მიმართულებები და პროექტები რაც მნიშვნელოვანია ჩემს სამაჟორიტარო ოლქში მცხოვრები მოსახლეობისათვის.